



Na osnovu člana 5.22 stav (3) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 18. Poslovnika Centralne izborne komisije Bosne i Hercegovine ("Službeni glasnik BiH", br. 50/07, 33/09, 24/13 i 32/14), Centralna izborna komisija Bosne i Hercegovine je, na 49. sjednici održanoj 01.09.2016. godine, donijela

ODLUKU
o imenovanju direktora i zamjenika direktora Glavnog centra za brojanje
na Lokalnim izborima 2016. godine

Član 1.

Za direktora i zamjenike direktora Glavnog centra za brojanje (u daljem tekstu: Centar) imenuju se:

- a) Mladen Vičević, direktor,
- b) Ermin Kos zamjenik direktora,
- c) Tatjana Trifković, zamjenica direktora i
- d) Adi Agić, zamjenik direktora.

Član 2.

Direktor i zamjenici direktora Centra imenuju se na period od 01.09.2016. godine do zatvaranja Centra.

Član 3.

(1) Direktor i zamjenici direktora Centra rukovode radom Centra, donose opće akte neophodne za rad Centra, provode postupak angažovanja osoblja za rad u Centru, rješavaju o pravima i obavezama angažovanog osoblja u Centru, provode postupak nabavki roba, usluga i radova i opremanju Centra, podnose Centralnoj izbornoj komisiji Bosne i Hercegovine izvještaj o radu Centra i obavljaju druge poslove iz domena rada Centra.

(2) Direktor i zamjenici direktora Centra odgovorni su za svoj rad Centralnoj izbornoj komisiji Bosne i Hercegovine.


Član 4.

O visini naknade za rad direktora i zamjenika direktora Centra iz člana 1. ove odluke će se donijeti posebna odluka, kao i o načinu isplate ove naknade u skladu sa Odlukom o uvođenju prekovremenog rada broj: 07-2-16-3-529-1/16 od 10.05.2016. godine, Odlukom o načinu i postupku ostvarivanja prava na naknadu za prekovremeni rad, rad u neradne dane, noćni rad i rad u dane državnih praznika u institucijama Bosne i Hercegovine ("Službeni glasnik BiH", broj 4/09) i Pravilnikom o kriterijima i postupku za isplatu novčane nagrade zaposlenim u Centralnoj izbornoj komisiji BiH broj: 07-2-02-2-1138-1/13 od 03.10.2013. godine.

Član 5.

Ova Odluka stupa na snagu danom donošenja i objavit će se na web stranici Centralne izborne komisije BiH www.izbori.ba.

Broj:05-1-07-11-917-4/16
Sarajevo, 01.09.2016. godine



Predsjednik
Dr. Ahmet Šantić
Dr. Ahmet Šantić